



宣統元年



元月至十二月
四星期至六期
合訂本

1910
45-68

特 告

啟者 本社預算每月額支。計社書印費銀一十四元。社所租項銀一十二元。管理員每十
一元。襍役銀八元。合共每月額支銀四十五元。活支尚不在內。以現在國貨全難。每

員每月應担任捐銀四毫。方敷支用。本社現在尚未籌有有益於社。無損同人之職。款善

法。祇恃同人月捐。以濟支用。本社處今日之現象。抑亦無可如何者也。設同人不力

任維持。前途益不堪問。以社員而任社費。猶國民之担任國費然。事甚本當。惟屢以捐

款擾同人。同人即知本為社員者所應勉任。不致苦而厭之。而此法亦祇可暫行

。社為同人中人人所自有之社。非三數人所能獨有。同人之維持本社。同人之自維持也

。同人之任捐社款。亦同人之自以貲財營辦一己所欲辦之社也。社為公社。責任

所同。各各袖手。社將墮落。同人而欲得互相維繫之益也。自非結社不能。同

人而欲本社之不墮落也。自非任捐社款不可。一月四毫之款。諒亦同人所能任。惟長此

任捐。所不可久。自宜隨時另籌善法補救。諸君如有有益于社無損同人之籌款善法。請隨

時陳述意見。或函告。或獻議。以便擇善議行。仍一面由諸君勉任月捐。以

救眉急。其有已認書費者。請再認月捐社所費。其有未認書費者。請分認月捐社書社所費各

若干。或合認若干。覆函示知。以便登書銘謝。有力者逾額認捐。次者如額担

任。是則本社之厚幸。而僕等之厚望也。諸君勉乎哉。除專函特請認復外。謹再迫切佈告。

再者。本社定章。同人映交相片。懸掛會所。本為生發感情。及互相認識起見。區區一事。
節經專函及特告催請。同人尚多未交。專函特告。幾成例舉。本已停催。靜候諸君之樂
交。惟茲據蔡君公復獻議。再行特告催交。經眾認可。不得不重申前請。為諸君告。現在

正月初十日出版第四十五期

新遷社所。參觀與赴會者日多。僅此已交之相片懸掛。人之不諒。來賓則以爲我社員僅此相片數之區區。同人則以爲 諸君之存有成見。甚非 諸君之忘未携交之初心也。諸君如有入社已久及新入社而未交相片者。盍趁此社所新遷。各記携交乎。再此贅佈。

正副社長謹白

敬啟者 僕自入社以來。祇以公務羈身。未能與諸公切實研究。乃蒙諸公過愛。于舊歲舉任副編輯。未一獻芻蕘。撫心良愧。今又蒙不責。并再舉任總編輯。諸君誠愛僕甚深。惟敝公司行將開幕。諸務紛繁。仍恐未能擔任。轉思此實社員應擔之義務。未敢告辭。祇有暫請何君少海代理。開幕之後。方勉力拜命。以盡社員一份子之責任。而謝 諸公過愛之熱誠。不勝感愧。謹此佈聞。

總編輯譚瓊謹白

函 件

朱雲臺上同人書

僕不敏。去歲獲蒙何君貫俠介紹。又承同人認可。忝列社員一份子。得與諸君子多相接洽。榮幸何如。竊思自入社以來。於一切社事。毫無裨補。負責良多。實深慙愧。知不可以告無罪。日前開大會議時。荷蒙諸君錯愛。不計前非。推舉爲社書城外副編輯員。以僕才本庸庸。性同鳩拙。安敢膺此重任。惟當時謹遵社章。未便即辭。至開票選舉書記。以僕占十九籌爲多數。復議舉爲書記員。聞命之下。不勝惶恐。攷社章第十四條。書記員一職。以事理通達。文學優長者爲合格。僕少而失學。長而經商。於事理不甚明晰了當。至文學一門。恒病未窺其門徑。以言乎才能。不足勝其任者此其一。且以經營謀食。貿易自名。終日市塵奔逐。賤務繁羈。大有應接不暇之勢。以言乎事勢。不能勝其任者此其二。自去冬

病患痰症。纏綿久之。且以疾來無時。醫多束手。時而心神驚悸。時而便血橫流。神志不舒。毫無清興。至今病似少瘳。而根株仍未盡絕。必須安靜調養。謙昌一席。深恐有忝厥職。亦經已辭退。現仍家居調治。據各醫家云。痰伏內經。肝火上逆。通肺則成涎。通心則成噎。斷非一兩月可能全奏其功。按之刻下情形。不能勝其任者此又其三。攷社章第十七條。當選者非有必不獲已之故。不得辭職。僕今已有不獲已之處。理當求選賢能接充。况本社正當發達萌芽之日。百事具舉之時。社書編輯及書記兩職。關繫匪輕。斷非因循敷衍者所能了事。在僕於未任事之前。既已放棄殊多。若復授之以職。是所以增僕之罪。重僕之過也。非敢違背社章。誠恐有忝職守。至負諸君子愛僕之盛意。是以弗敢受而請固辭。除函達正副社長請將此理由代爲登書佈告於同志諸君外。並請另舉賢能充任。以維社事。而促進步。是爲至要。僕之原委。有不得已者。伏祈諒察。謹佈區區。幸垂鑒焉。手此順候台安。不具。

僕朱雲臺上書

嘯海按。朱君以少年獲選職任。文學優長與否。輿論自在人心。非鄙人所敢贅。惟朱君去年患病。痰起不時。至今未愈。自是實情。與託故卸責者不同。若責之以職任。固恐延悞社事。尤恐兩無所益。自應照章第十七條。與其辭退。俾資調養。而書記副編輯二職。于本月十八日例會。再行另舉接任。以重社事。尤望同人若知某社員果可擔任。例會之日。務請到會舉出爲幸。謹告。

黃清如上同志諸君函

敬啟者。日前大會。同志諸君議推舉社書編輯。公舉譚君伯機總編輯。朱君雲臺副編輯。弟亦忝蒙諸君過愛。舉爲副編輯之列。然弟自愧才具弗勝。責任綦重。且公務叢雜。債事堪虞。當經向衆力辭。奈繩以社章。未獲許可。惟有勉盡其責。故亟先函約。如諸君

正月初十日出版第四十五期

(四)

有關於社書傑作訪件。擬交弟處者。請按照社書出版期五日。賜交本社所。由蔡君公復轉交便妥。或逕寄 譚朱二君處更佳。謹此佈達。并祝 日強。弟黃清如謹啓

社 聞

●本社第五次大會初五日議案照錄 庚戌正月初五六七三日。連日大會。初五日之會。假座正頭行會館。是日社員到者五十七人。來賓十三人。臨時公推俞君愷儔主席。書記員呂君襄武。黃君清如。宣佈員楊君敏達。糾禮員潘君仲達。盧君福海。招待員蘇君伯鏗。梁君英生。庶務員蔡君公復。由宣佈員宣佈提議事項三條。茲將議案錄下。(一)本年七月大會所舉職員。前經決定於本年正月大會作為滿任。另行選舉。現當遵照前議辦理。請同人即投票選舉新職員接任。以重社事。(衆即投票選舉正社長。計何君少海得票三十六籌。俞君愷儔得票一十四籌。陳君鏡湖得票五籌。盧君偉民朱君典五各得票一籌。投票選舉副社長。計何君貫俠得票二十六籌。俞君愷儔得票一十一籌。陳君鏡湖得票九籌。何君少海得票五籌。盧君偉民得票四籌。尤君堅操得票二籌。投票選舉書記員。計朱君雲臺得票一十九籌。蔡君公復得票一十一籌。朱君典五得票十籌。陳君草澤得票九籌。黃君清如得票四籌。呂君襄武得票二籌。潘君貞廉楊君敏達各得票一籌。投票選舉會計員。計尤君堅操得票二十五籌。盧君偉民得票一十九籌。周君寅初得票八籌。何君少海得票二籌。潘君仲達俞君愷儔各得票一籌。投票選舉省城調查。計何君貫俠得票二十籌。朱君典五得票一十一籌。陳君暖初得票六籌。徐君鏡波得票四籌。盧君偉民盧君福海各得票三籌。陳君草澤黃君星曹各得票二籌。范君鳴石朱君雲台陳君伯宏劉君卓天各得票一籌。投票選舉香港調查員。計朱君養初得票二十三籌。梁君靄雲得票一十五籌。呂君福田得票八籌。楊君肇文得票四籌。投票選舉佛山調查員。計凌君清臣得票二十籌。鄧君秀枝得票一十

四籌。盧君拔茹得票一十籌。盧君君典得票七籌。李君伯和李君植庭各得票一籌。投票選舉梧州調查員。計潘君貞廉得票四十籌。陳君柱廷得票六籌。勞君沛然何君熙林鄧君玉衡各得票二籌。何君寶三陳君鳳儔各得票一籌。投票選舉順德調查員。計麥君仲英得票二十五籌。勞君沛然得票九籌。甘君長甫得票六籌。盧君慶蕃得票五籌。黎君夙永得票三籌。楊君敏達得票二籌。陳君鏡湖蘇君叔明梁君威如楊君赤若各得票一籌。投票選舉西南調查員。計梁君清泉得票四十六籌。梁君卓雲得票四籌。陳君侶甫得票二籌。衆議正社長一員。應以何君少海充任。副社長一員。應以何君貫俠充任。書記二員。應以朱君雲臺蔡君公復充任。會計一員。應以尤君堅操充任。省城調查四員。除得票最多之何君貫俠經當選副社長。例應取銷外。應以朱君典五陳君暖初徐君鏡波充任。尙缺一員。應以次多票者頂充。惟盧君偉民。盧君福海票數相同。應行抽籤之法。隨經抽中盧君偉民充任。香港調查一員。應以朱君養初充任。佛山調查一員。應以凌君清臣充任。梧州調查一員。應以潘君貞廉充任。順德調查一員。應以麥君仲英充任。西南調查一員。應以梁君清泉充任。(一)議社書爲本社喉舌。現社員日漸增加。應否再謀擴充。并請同人多認書費。及舉定編輯撰述各員担任之處。請決議。(衆議社書照舊辦理。除到會同人分認月捐書費外。其未赴會者。應由社長專函請認。隨即推舉總編輯。衆以譚君伯磯任之。又舉副編輯。衆以朱君雲臺黃君清如同任之。旋舉撰述員。衆以呂君襄武。何君少海。李君笑演。朱君養初。黃君昆曹。蒲君礎伯。關君晃埤。楊君敏達。陳君卓澤。潘君貞廉。鍾君敏學。何君寶三分任之。請各力爲担任。毋或放棄。(一)議是日經定僱映相工人到所攝影。該費先由本社墊支。社員認取。每張收銀五毫。可否即請同人預認之處。請議決。(衆贊成)

●第五次大會初五日會議詳請 此次大會。期分三日。初五日假座正頭行會館之左廳。

甚資適用。宣佈台當中。左設主席位。宣佈台前方桌二張。書記及社長分坐焉。後懸會場總則。來賓分坐兩旁。社員列前座。甚整齊也。惟日來省地因軍警交關事。城門多閉。風鶴頻驚。放社員多以爲本社必改期會議。故赴會者少。且又遲到。至延遲開會時刻。然遭此警故。同人到會尙如是之多。亦足見我同人之熱心社事也。一句鐘後。宣佈員登台搖鈴開會。請舉主席。何君貫俠倡舉俞君愷儔。衆遂贊成。宣佈提議事項第一條時。各同人先經投票。何少海起問應何時開票。朱典五言宜茶會後開。呂襄武言宜議畢即開。衆遂贊成。宣佈第二條時。貫俠請先推舉社書編輯撰述各員。同人未答。潘貞廉登台言。一社猶一國然。須先有預算決算。乃能勉同人以担任經費。此次社書。亦必須各捐書費。乃能舉辦。今計本年年社之經費。每月社租十餘元。管理各人修膳十餘元。社書印刷費十餘元。合共約四十元。以現在社員人數分攤。每人每月僅捐三毫餘以至四毫。乃數常年經費。盡請同人統認常費乎。襄武言。似此亦可。但未得同人贊認常費。且未提議及此。主席言宜先請到會同人認捐書費。宣佈請衆取決。贊說者廿六人。贊潘說者四人。遂定照捐書費。隨唱名請認捐。有捐至五毫者。亦足見同人之熱度也。襄武言。未到會者宜如何請認。貫俠言。歷由社長通函。可照此行。襄武請舉編輯員。陳鏡湖倡舉李笑演。笑演力辭。少海言。既經公舉。非有特故。似宜勉爲其難。但不知李君果有何特故耳。笑演言。鄙人肄業方言學堂。五年畢業。現已第四年。此二年中工課必忙。故難兼任。請衆另舉。民悅倡舉譚伯機。少海云。伯機未到。主席言。凡未到者。若經舉中。未悉肯勉任否。竊恐放棄。勉之無詞。潘仲達倡舉呂襄武。襄武言。鄙人昨歲受敝邑商會關聘。曾經辭退副編輯之席。誠以去省。不及遠任此席也。此次實難復任。貫俠言。呂君遠在鶴山。如任編輯。往返函寄各稿。恐一月而不能出一期社書矣。衆時頗難其選。少時。襄武言。鄙人去歲七月辭職。曾舉

譚君伯機自代。誠以譚君曾任城北報總編輯。較資熟悉也。惟譚君去年以其光遠玻璃公司建築伊始。事事經營。故難兼任。放棄之責。似可爲同人諒。今歲公司已將落成。忖必不至仍前放棄。蓋仍以譚君爲總編輯。勉以義務。而以何君少海副之乎。衆遂贊成譚君爲總編輯。少海言。譚君入城。必到小號。如舉譚君爲總編輯。鄙人自必將時爲代理。烈不必舉鄙人副之。究於城外選舉一人爲妥。貫俠言。城外似必宜舉一副編輯。于社間各稿。乃得經理。襄武言。譚君亦城外者。特視所舉者勤理社書稿否耳。不必問城內城外也。主席倡舉關晃埤。晃埤倡舉朱雲臺。少海倡舉黃清如。貫俠敏達和之。黃君力辭。衆卒定黃清如朱雲臺分任副編輯。襄武請舉撰述各員。敏達言。去年撰述雖多。撰稿甚少。此次似宜切實定額推舉。不求其濫。貞廉倡舉呂襄武何少海。襄武倡舉李笑演朱養初。主席倡舉黃星曹蒲礎伯。寅初倡舉關晃埤。礎伯倡舉楊敏達。煥乾倡舉陳草澤潘貞廉。景山倡舉鍾敏學。貫俠倡舉何寶二。衆均贊成。宣佈第三條時。衆均贊成攝影。主席云。須視認取相片多寡。方能定價值之多寡。蓋取片多。則相館取價廉也。隨計認取相片者共五十九張。時已三句鐘。工人已到。即同列坐攝影。前一列爲去歲職員。餘則社員云。四句餘鐘。開票茶會畢。遂搖鈴閉會。

●初六日大會議案照錄 本月初六日。爲本社第五次第二日大會期。在長壽街本會所。是日社員到者式十人。來賓一人。臨時公推何君少海主席。楊君敏達書記。呂君襄武宣佈。徐君鏡波糾禮。蔡君公復招待。由宣佈員宣佈本社提議三條。同人提議一條。玆將議案錄下。本社提議。(一)議社址仍尙租借。每月租銀壹十式元。另駐社管理及工人共工食銀壹拾三元。實共銀式十五元。應否籌款照租。抑集款建築之處。請議決。(衆議暫先籌款照租。仍隨時集款建築。)(二)議社章經已訂定。存案如得批准。自須照章實行。應否即年

舉行。抑分年辦理。如何請議決。(衆議俟批准後即照實行。(一)議梧州總商會于本月十九日開幕。東請本社同人參觀。應派何人之處。請公舉。(衆議舉何貫俠楊敏達二君代表前往。有自備賞斧者。亦請先行掛號。會同前往。)何君少海獻議(一)議本社例會。應由各同人担任演說。所演何事。豫期登書佈告。如研究妥善後。即抄入研究筆記簿。復將社章所載各簿分簿抄入。以收實行研究之效。如何請議決。(衆議演說一門。本社受益甚大。應即照行。然未預登書者。仍可隨時宣演。)

(詳情下期補錄)

●初七日大會議案照錄 是日日本社仍在本社所會議。計社員到者十五人。來賓三人。臨時推舉勞君沛然主席。楊君敏達宣佈。黃君清如書記。呂君襄武糾禮。蔡君公復招待。由宣佈員宣佈本社提議事項三條。茲將議案錄下。(一)本社本年同人應交第二三期基本金。應定何時截收。請公議。(衆議定四月底截收。以維社款。(一)均益會久經認定一百份。其中尚有未交銀者十餘份。應如何處決。及定開會日期。請決議。(衆議定二月內第一星期例會。先將已交銀者開會。其前經認定未交銀者。及再有新認加認者。隨時照收。編足號數。投入開抽。(一)本社昨年七月至十二月各數。應即宣佈。如有錯漏。合祈指正。而本年預算額支各數。計社址費二十五元。研究書費一十四元。有無應增應減之處。請衆議。(衆議所有各數。宜由會計員抄錄標貼會所。及登錄社書。以便衆覽。其社址費應加銀六元。共約需每月銀四十五元。由同人分認擔任。以維社事。●黃君清如關君冕堦會同獻議一條。(一)本社收聯籌款一事。前經會同獻議。承衆贊成。宜另懸店號招收。茲擬收聯店號。名曰會文軒。由社所管理員蔡君兼任收聯事宜。究應何日開辦。請衆議。(衆議定於正月內開辦。由蔡君公復兼任。至開辦一切事宜。則請黃關二君暫理。(蔡君公復獻議四條。(一)佛山同人頗多。請添舉撰述二員。一爲盧君君典。一爲吳君洽溥。以備佛

山同人之有卓見者。得就近托撰述員代爲撰述。庶無遺隱。如何。請衆議。(衆議撰述員先經舉定。盧吳二君如可任撰述。應俟下次再行議舉。)(一)本社注重感情。同人時相往來探訪。彼此均有招待之誼。惟同人日多。認識匪易。似應即照去年七月大會頒發同人徵驗券之議。從速舉行。改製銅片。以便經久及懸帶。如何。請衆議。(衆議同人日多。認識匪易。恐有冒認。凡同人到所及互相往來。均須有所徵驗。方爲招待。亟宜製發銅片徵驗券。券內編鑄協羣商業研究社某某號社員字樣。二月內一律妥頒。)(二)議社所懸掛相片。原爲感情及認識所關。可否另登特告。催請同人未交者早照交懸之處。請衆議。(衆議此事節經催交。同人仍多未交者。特告專函。幾成例舉。試再登書特告。冀其遵章補交可也。)(一)社所似宜購閱日報二三家。以備同人到所瀏覽。俾知外情。弟先捐送國事羊城二報一月。如有贊成。請續認捐。(衆議由社款購閱日報一份。如有熱心捐送者。可隨時繼美。(勞君沛然獻議一條。)(一)廣西藤縣同人。已達五人以上。照章應舉調查一員。請議舉。(衆議職員先經舉定。藤縣調查員。應暫由社長選派。俟下次再舉。

(詳情下期補錄)

●初五日同人赴會之踴躍 此次大會。假座正頭行會館。佈定會場。是日同人到者。蔡公復。盧福海。呂襄武。何貫俠。蘇伯鏗。蘇叔明。呂福田。尤堅操。梁英生。朱典五。吳景山。陳伯宏。關晃埤。潘仲遠。李植庭。黃清如。蒲贊武。蒲礎伯。陳立漢。盧君典。楊赤若。陳鑄魂。潘民悅。曹祖仲。陳星泉。盧拔茹。吳洽甫。盧貫西。李顯三。李伯和。楊子江。陳鏡湖。范鳴石。潘貞廉。梁輝如。李笑演。鄧殿香。吳煥乾。吳楚葵。鄧秀枝。李君表。徐鏡波。徐季植。周寅初。朱雲臺。何少海。楊敏達。黃星曹。劉善銓。俞愷儔。陳錫如。胡德聰。陳安榮。盧慶蕃。凌清臣。劉卓天各君。來賓則有易耀庭。岑石朋。陳仲衡。譚時悲。孔錫聰。潘立

端。鄧贊清。黃會初。朱藻泉。潘芝田。馬德華。姚煜文。黃沛初各君。亦足見同人赴會之踴躍。來賓參觀之衆多矣。

●初六日赴會之社員 本社初六日大會。到會者僅得楊赤若。徐鏡波。楊敏達。呂襄武。黃清如。梁威如。何少海。潘貞廉。范鳴石。蔡公復。關晃輝。何貫俠。陳立漢。盧慶蕃。盧貫西。徐焯南。徐季直。蘇伯鏗。呂福田。鄧秀枝。潘仲遠。各君。共式拾人來賓則祇盧君允公而已。

●初七日赴會之同人 祇楊敏達。徐鏡波。朱雲臺。關晃輝。黃清如。呂襄武。鍾敏學。何少海。盧貫西。凌清臣。徐季直。勞沛然。潘仲遠。潘民悅。何貫俠。蔡公復。俞愷儔各君。來賓則有許鏡湖。盧星樵。盧璧余各君耳。

●月捐書費詳列 本年社書。經議定照舊辦理。非仗同人熱力加捐書費。恐難達目的而收效果。計初五日到會同人認捐本年每月書費者。俞愷儔。何貫俠。蘇伯鏗。蘇叔明。各五毫。何少海四毫。朱雲臺。徐季植。李君表。潘貞廉。范鳴石。蒲礎伯。潘仲遠。朱典五。梁英生。尤堅操。呂襄武。盧福海。每二毫。蒲贊武。黃星曹。周寅初。每二毫五仙。呂福田。吳景山。陳伯宏。關晃輝。黃清如。盧君典。楊赤若。陳鑄魂。陳星泉。吳洽溥。盧貫西。李顯三。楊子江。陳鏡湖。梁輝如。李笑演。鄧殿香。吳楚葵。徐鏡波。徐焯南。楊敏達。劉善銓。陳安榮。盧慶蕃。凌清臣。劉卓天。每二毫。陳錫如。吳煥乾。每一毫五仙。蔡公復。李植庭。陳立漢。潘民悅。曹祖仲。盧拔茹。李伯和。鄧秀枝。胡德聰。每一毫。其未到會同人。當由社長通函請認。陳禮甫先經認定一毫。未認者諒亦不至放棄義務。置諸度外也。

●入社三十三誌 茲凌君清臣。介紹徐君品端（別字季直。年二十七歲。番禺人。寓揚仁南吉祥烟絲棧。郵寄全。）入社。又鄧君殿香。介紹簡君樹（年二十八歲。南海紫洞人。寓省

西門外連珠街和記肉店。郵寄同。入社。均經調查清楚。社長認可。照章交足第一期基金矣。

●入社候查 茲盧君蓮舫。擬介紹賴君國榮（別字用廷。年四十二歲。原籍福建人。祖居佛山。廣西長安達源襪貨行司理。兼辦長安安業開墾種植公司）入社。又張君澄光（別字淡泉。年五十七歲。南海顯岡鄉人。廣西長安利安襪貨行司理）入社。又張君柏雄（別字棣珊。年三十歲。南海顯岡鄉人。廣西長官源昌隆襪貨行司理）入社。又潘君拔羣（別字子英。年二十九歲。南海大瀝潘村人。廣西長安利興昌襪貨行司理）入社。又譚君寶宜（別字魏卿。年三十七歲。順德潘村人。廣西長安均棧銀號司理）入社。又陳君肇桐（別字作琴。年四十歲。順德馬齊鄉人。廣西長安忠安銀司理）入社。又梁君廣瘡（別字仁朝。年三十八歲。順德龍眼人。寓長安協昌銀號司理）入社。均郵寄全。又鄧君秀枝。擬介紹黃君杏年（別字會初。年三十二歲。順德白藤人。寓歸德門同義號。郵寄全）入社。均經派員調查矣。合先登佈。

●已交書費二十一誌 茲范君鳴石呂君福田。已各將去年認定書費照交會計員妥收矣。

●社員遷席誌聞 盧君貫西。前受職於古樓均和。茲爲力流永昌利絲綢所聘。同人如有郵函。請交省新興街綸泰昌轉寄順德力流永昌利盧君查收便得。又葉君貴挺。現遷寓省十八甫南越報內。郵寄則請交省榮陽街寶盈號云。祈各將同人表改正可也。

●副社長告假旋里 副社長何君貫俠。緣因家事。決于月之初十日返鄉料理一切。特告假半月。并擬於中旬順道首途西梧云。

●熱心捐借書報彙誌 本社預備存案會所。經已遷妥。書籍報章。亟宜廣置。然社款微薄。實難設施。茲蔡君公復。楊君敏達。有見乎此。蔡君特捐出羊城國事報各一月。楊君則借

出四學通攷一套。共六本。地理問答一套。共式本。廿一史約篇一套。共四本。史畧一套。共六本。富國須知一本。日本之商人一本。商部奏定新章一本。驗方新編一套。共六本。如楊蔡二君者。可謂知所先務矣。

● 同人之關心會所 本月初三晚。巡警第六分局被爛崽放火。至兆焚如。本社會所與該局相懸甚近。同人陳君草澤聞警。即偕同尤君堅操之令弟赴所照料一切。故各家雖異常震動。本所則甚爲鎮靜云。

● 已酉十二月廿七日例會情形 去歲十二月廿七日。爲本社例會期。是日到者。有鄧君殿香。吳君景山。何君貫俠。蔡君公復。鄧君苑香。何君貫俠提議一條。(一議本社放出之款。本月三十便可收回。前經議定暫存殷號。應定放何號之處。請公決。)決議如下(衆議該社款收回。即分存穗興銀號何君貫俠。暨文茂印局何君少海處。俱寫回收條。交存會計。俟明年門路如何。再行議提放出收息。)

● 是年正月初四日例會情形 是歲初四之日。爲本社例會期。是日到者。有陳伯宏、鄧殿香、胡德聰、何少海、陳文 equal、俞愷儔、吳景山、何貫俠、呂襄武、潘貞廉、楊赤若、楊敏達、各君。陳文 equal 代表與陳清如關晃輝三君提議一條。(一議現日因兵警鬧事。城門關閉。本社大會地址。在太平門之內。恐到時仍未開啓。實爲不便。可否預借第十甫銀行會館。作爲豫備之處。請公議。)決議如下(衆議請三君先行借定。標貼會所。如明日太平門若開。則仍在正頭會館。若仍未開。則決改在銀行會館開議。)

社 說

本社今日至要至急至難之問題

襄 武

問國何以強。曰富。問屋何以潤。曰富。問志何以壯。事何以濟。曰財。烏乎。經濟

之爲用。誠要矣哉。得之則生。弗得則死。於人有然。於國有然。於社亦何莫不然。吾人不辦事則已。辦之必期其有成。辦事不期成則已。成之非財而莫濟。辦事也。惟人才之重也。吾則謂人才固重。經濟尤要。有人才而無經濟。無米之炊。巧婦所難。本社固團體。重感情。嚴人格。厚重有爲之士多歸之。社結四載。選而致者百餘人。而才不可勝用也。所遲遲而未振者。特經濟之限之。是爲本社探本之論者。當以經濟爲重。益以本社主旨。協羣其體。商業研究其用。興實業。挽利權。皆本社之所有事。西人之亡人國也以商。吾人所持而爲救亡者亦以商。托辣斯大王之雄風。渡太平洋而趨東亞陸。所藉以藥病夫而撻虎狼者。吾人之素抱也。夫抱絕大之宏願。自必恃絕大之經濟而赴之。以本社今日之經濟而言赴願。其不成泡影而晒夢囈者幾希。以言其志。以之操全球經濟之權而有餘。夷考其事。以之支一社經費之出而猶不足。抑亦輕本社而羞同人矣。本社發起。卽翹然以質實相尙。不事粉飾。一洗虛糜。故經濟之收入雖無多。而支出亦復有限。其進以寸者。而出以分。不患其寸進也。患其出之不僅於分。迄於今進以寸者而出以尺。尺之爲尺。誠宜出矣。其能一謀夫進之一途之奚若否乎。以此日之預算。雖以昔日之寸積。曾不足以數壹歲出。(計現約存銀六百五十元。內除均益會本銀約四百五十元。實存社欸銀二百元。以現在社所租工各費月約需支銀三十元。是存款二百元。僅足敷支七閱月耳。)有心人恫念社事。所爲色然驚而頻搔首也。烏乎。長此不振。社以不支。潰覆無日。耗百數十人之心血。費四五年之組織。一旦坐視不救。揆諸結社初心。其何以安。此而可任其潰敗。則其他獨營之事。尙曷期其有成。此而可任其潰敗。則其他初創之事。尙曷勉其能立。此而可任其潰敗。則異日雖有欲起本社而重爲建設。恐亦同志心灰。一蹶不振。際茲危急存亡之秋。

所爲不得不大聲疾呼。迫切而爲社請命。與也同人。敢也同人。尙於此加之意哉。尙於此加之意哉。興之道何。非款不行也。抑對本社而語籌款。亦大難事。特捐之數。努末已成。無損之籌。卒鮮善法。且徵諸往。籌款者曰捐借。踴躍慷慨。極之不過三百金。雖由同人個人經濟程度之不足。何曾無一資本家如他會社之慨助也。籌款者曰千益會。此屬有益於社。無損同人之事。而議卒緩行。雖由社員尙寡。認份未足。何曾無三數有力者之攬認多數也。籌款者曰均益會。亦爲社取息。爲社員儲財之道。議雖行矣。何久未聞供交也。凡是種種。亦已計窮籌款。而力盡於斯。以百餘同志之社。曾不足以任月數十金濟社之費。試執社員一人而問之。一人所不任受也。一人所不任受者。乃竟切按事實之有然。曾誰之咎歟。烏乎。是亦衆人中之一人之咎而已矣。事而爲一人所獨營也。則責無旁貸。事以辦焉。自見爲衆人合辦之事。斯有所規卸。有所緣飾。以爲彼社事也。衆事也。我一人。何役役。我一人。力何若。有衆人焉。事斯舉矣。即不舉焉。未有獨責諸我一人也。我一人即不放棄焉。事亦未有能濟也。似此設想。復此推勘。事之不敗於衆人中之一人者幾何耶。庸詎知衆者一之積。一人而然。將人人而皆然。衆實繁乎一耳。本社同人。不盡有力。熱心者實已逾量而捐。苟更於同人捐款中求。無非一元二元之慨捨。精力有限。吸採無窮。不有善法。力盡斯敗。恐終爲本社前途哭也。然則若之何而可。本社不受外捐。以恐鄰夫搵丁之術。(各團招羅外捐。人多避之。至成一種名詞曰搵丁。一何可嘆。)其正大得體可嘉。其拮据無爲可嘆。其岌岌有不可終日之勢更可虞。烏乎。一遊乎現在社所。非不陳設華麗。堂哉皇哉也。非不粉飾鮮妍。盡善盡美也。不知有心人默審內情。實隱痛夫外強中乾之現象。而悲夫用易籌難之前途。若更不同心商辦。竭力維持。竊恐質實之社

。不夭折於未發達以前。反遽敗於欲擴張之日。維持之道。何所着手。蒙亦難乎其爲言。左右思維。殆終非暫借助於同人。再爲徵末之捐。實有所不能。蒙亦知同人不盡有力。熱心者實已逾量而捐。苟更於同人捐款中求。無非一元二元之慨捨。精力有限。吸採無窮。然現際危病至急之秋。不得不先立治標之道。所求於同人者固不在奢。亦不敢奢。人各盡己之力。如己之量。貧者月助數毫。富者多而益善。（以現在之社費。社員每人每月勻攤捐款四毫。便爾數支。一月四毫。卽貧者亦易爲力。若富者則一度飲食費逐之費。尙不祇是。曾未足損毫末也。）本社於以稍支矣。雖然。恃此無源之水。涸可立待。無厭之求。且不可久。以之治標則或效。以之壽社則須俟他求也。願或者曰。社立四載。款竭而敗。効之未覩。徒損同人。其放任之也固宜。爲此說者。是真常人之見哉。夫世界競爭。非羣不立。救國之道。恒在於商。亦旣同人言之而知之矣。同人本此兩要義而立社。則夫欲立此競爭世界。不致受強凌衆暴者。恒吾社是賴。本社造端宏大。收効之遲。亦固其所。然現已及享交友之益。相規相正相維相繫相扶持者。殆盡人而然。本社之立。小之成自治之功。大之得立國之道。今茲之未大効。夫豈欲速見小者所能妄窺萬一哉。拿破侖曰。決勝當在後五分鐘。吾願同人之俟之。又曰。難之一字。惟庸人字典乃有之。吾願同人之勉之。

小 說

新年
小說 團拜

襄 武

恭喜。發財。二人作衣冠氣。長揖而發囑語。此何時。曰元旦。某鄉人。團體甚固。例於每年正月初。連日集祠行團拜禮。所以聯宗族之感情。振一

鄉之事業。典至重也。

祠建於牧場西。鄉人隣牧場而居者有焉。距牧場而居者有焉。均於是數日咸集是祠。心乎鄉事者。無弗到也。

是年初。於恭喜發財聲中。聞有聲嗥嗥。初以相吠。繼且相閉。一若故與人聲相襍。而阻人恭喜發財清興者。此何聲。曰犬聲。犬何來。曰牧場畜犬二頭。謂以捍衛羊羣也。犬何以聲。又何以鬪。既同爲主人所畜。同爲捍衛羊羣。自不至相吠而相鬪。曰惟畜之者知之。

鬪之不已。必有一傷。同類相殘。至足感慨。然鄉人多緣是而廢團拜之重典矣。或曰。卽不犬鬪而亦有廢團拜者云。

初。犬相鬪於牧場東。距祠尺有咫。鄉人之隣牧場而居者。羣震而驚之曰犬鬪。犬鬪。行且噬人。鄉隣有鬪者。閉戶可也。團拜於何有。故縮頭畏避。不敢越居門半步者有焉。鄉人之距牧場而居者。亦聞而相誠語曰。牧場犬鬪。祠坐牧場。鬪之如何。團拜與否。弗敢知也。不相問也。吾儕詎可一履牧場。陷入險地乎。吾體至重。團拜之事。且勿。且勿。

團拜曰。主其事者仍不以犬鬪而中止。鄉人亦舉族之半而到。彼縮頭畏避者。遠險保身者。聞之猶舌咋。惟連日團拜。且議鄉事。始終到祠而及議者亦僅耳云。

鄉爲何鄉。人數若干。縮頭畏避者誰何。遠險保身者誰何。到者誰何。始終到而及議者又誰何。傳者佚之。且容調查續誌。以鑿閱者。

鑄強子曰。團拜重典。犬鬪小故也。不知犬鬪僅小故者。識力之弱者也。以犬鬪而廢團拜者。魄力之怯者也。未克終到且及議者。卽不犬鬪而亦廢團拜者。不知鄉事爲何物者也。於鄉人予何責。

識力不足也。